



Coinníollacha ar leith maidir le Scéim Tráthchoigiltis

Tráthchoigiltis (15ú Eisiúint) – Téarma 6 Bliana – Toradh Iomlán 3.50%

Arna eisiúint de bhun Alt 53 den Acht Airgeadais, 1970.

Baineann na Téarmaí agus Coinníollacha Ginearálta seo atá infheidhme le Táirgí Coigiltis Stáit áirithe a tháinig i bhfeidhm Dé Luain an 16 Aibreán 2018 le Tráthchoigiltis agus ionchorpraítear anseo iad trí thagairt.

Forfheidhmiú agus Léirmhíniú

Mura sainmhínear a mhalairt anseo, beidh an bhrí le téarmaí caipitlithe arna n-úsáid sna téarmaí agus coinníollacha seo a bhaineann le Tráthchoigiltis (“**Coinníollacha Tráthchoigiltis**”) a shanntar dóibh sna Téarmaí agus Coinníollacha Ginearálta.

I gcás coimhlinte nó doiléire idir na Téarmaí agus Coinníollacha Ginearálta agus Coinníollacha Tráthchoigiltis, beidh feidhm ag Coinníollacha Tráthchoigiltis.

Baineann Coinníollacha na dTráthchoigiltis seo leis an 15ú Eisiúint amháin agus tá siad i bhfeidhm ó Dé Domhnaigh an 24 Eanáir 2021.

Sna Coinníollacha Tráthchoigiltis seo:

Ciallaíonn “**Tréimhse Ranníocaíochta**” an tréimhse dar tús an Dáta Clárúcháin agus dar críoch an lá deireanach den 11ú mí tar éis an mhí ina bhfuil an Dáta Aibíochta.

Beidh an bhrí ag “**Ús**” arna leagan amach i gcoinníoll 2 thíos.

Ciallaíonn “**Tréimhse ina dTuilltear Ús**” an tréimhse 5 bliana dar tús lá tar éis deiridh na Tréimhse Ranníocaíochta agus dar críoch an lá roimh an Dáta Aibíochta.

Ciallaíonn “**15ú Eisiúint**” Tráthchoigiltis arna eisiúint Dé Domhnaigh an 24 Eanáir 2021 nó ina dhiaidh sin agus atá ar fáil lena gceannach go dtí go gcinneann an tAire Airgeadais, ag feidhmiú trí NTMA a mhalairt.

Ciallaíonn “**Dáta Aibíochta**” dáta cothrom lae cúig bliana ó dháta tosaithe na Tréimhse ina dTuilltear Ús.

Ciallaíonn “**Téarma**” an tréimhse dar tús an Dáta Clárúcháin agus dar críoch an lá roimh an Dáta Aibíochta.

1. Tráthchoigiltis Mhíosúla

- 1.1 Is ionann an íos-tráthchuid mhíosúil gur féidir a dhéanamh sa 15ú Eisiúint i rith na Tréimhse Ranníocaíochta agus €25.
- 1.2 Is ionann an uas-tráthchuid mhíosúil chomhiomlán gur féidir a dhéanamh in aon sealúchas sa 15ú Eisiúint i rith na Tréimhse Ranníocaíochta agus €1,000, d’ainneoin an líon Sealbhóirí. Ní sháiríodh uas-tráthchuid mhíosúil aon duine aonair, pé bealach a foctar í, mar Shealbhóir aonair nó mar Chomhshealbhóir, €1,000.
- 1.3 Is ionann an méid iomlán arna choigilt i rith aon Tréimhse Ranníocaíochta agus tráthchoigiltis arna íoc i ngach ceann de 12 mhí na Tréimhse Ranníocaíochta. Féadfar íocaíocht a dhéanamh ag aon am i rith gach ceann de na míonna ábhartha, faoi réir an uasteorainn tráthchoda chomhiomlán €1,000 dá dtagraítear i gcoinníoll 1.2.
- 1.4 Ní cheadaítear aon Fhuascailt Luath ar na tráthchodanna i rith na Tréimhse Ranníocaíochta. Beidh tionchar ag Fhuascailt Luath gach tráthchoda roimh éag na Tréimhse Ranníocaíochta ar chríochnú na sealúchais Tráthchoigiltis ábhartha agus ní ghlacfar le haon tráthchoigiltis eile. Féadfaidh sealbhóirí, áfach, tús a chur le sealúchais Tráthchoigiltis trí Fhoirm Iarratais nua a chomhlánú.
- 1.5 Caithfear le tráthchoigiltis a leanfar ag íoc tar éis na Tréimhse Ranníocaíochta mar shealúchais Tráthchoigiltis nua agus beidh siad faoi réir na dtéarmaí agus Coinníollacha Ginearálta agus na gCoinníollacha ar leith atá i bhfeidhm ar dháta tosaithe na sealúchais Tráthchoigiltis nua sin.

2. Íocaíocht Úis

- 2.1 Beidh ús iníoctha ar Thráthchoigiltis (“Ús”), de réir an choinníll seo, ar a luaithe díobh seo:
 - (a) an Dáta Aibíochta, nó
 - (b) dáta na Fhuascailte Luath.Nil aon ús iníoctha i rith na Tréimhse Ranníocaíochta.
- 2.2 I gcás go gcoinnítear iad go dtí deireadh an Téarma, is ionann méid iomlán an Úis iníoctha leat agus 3.50% den Phríomh-mhéid amhail an Dáta Aibíochta.

- 2.3 I gcás go bhfuasclaítear Tráthchoigilteas (ina n-íomláine nó i bpáirt) roimh chomóradh an chéad bhliain ón dáta a dtosaíonn an Tréimhse ina dTuilltear Ús, ríomhfar an tÚs iníoctha chugat ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta ó thosaíonn an Tréimhse ina dTuilltear Ús (san áireamh) go dtí dáta na Fuascailte Luath (nach bhfuil san áireamh).
- 2.4 I gcás go bhfuasclaítear Tráthchoigilteas (ina n-íomláine nó i bpáirt) ar chomóradh an chéad bhliain ón dáta ar a dtosaíonn an Tréimhse ina dTuilltear Ús, is é an tÚs iníoctha chugat ag súim:
- (i) an méid a ríomhtar tríd an gcuid den Phríomhshuim atá á fuascailt, Céatadán d'Ús Carnach Iomlán a thugtar le fios i dTábla 1 thíos don chothrom lae is déanaí den dáta a dtosaíonn an Tréimhse ina dTuilltear Ús, agus
 - (ii) méid ríofa ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta (más ann dóibh) ó (agus lena n-áirítear) dáta an chothrom lae is déanaí ón dáta a dtosaíonn an Tréimhse a dTuilltear Ús chuig dáta na Fuascailte Luath (ach gan é a bheith sa áireamh).

Tábla 1

Comóradh Bliana thús na Tréimhse ina dTuilltear Ús a dtarlaíonn an fuascailt air nó ina dhiaidh sin	1ú	2ú	3ú	4ú	5ú
Céatadán d'Ús Carnach Iomlán	0.00%	0.25%	0.35%	0.50%	3.50%
Sampla de thoradh (príomhshuim agus ús) ar phríomhshuim €1,000	€1,000.00	€1,002.50	€1,003.50	€1,005.00	€1,035.00

SAMPLA – Más ionann Príomh-mhéid Tráthchoigiltis agus €1,000 agus má fuasclaítear iad ina n-íomláine tar éis 2 bhliain agus 160 lá ó thús na Tréimhse ina dTuilltear Ús, is ionann an tÚs iníoctha: €2.50 (agus Céatadán d'Ús Carnach Iomlán 0.25% dlite ar an 2ú cothrom lae den dáta ar thosaigh an Tréimhse ina dTuilltear Ús á chur i bhfeidhm); agus €0.00 (agus an ráta bliantúil 0.00% á chur i bhfeidhm ar an 160 lá ón dara chothrom lae den dáta ar thosaigh an Tréimhse ina dTuilltear Ús chuig dáta na Fuascailte Luath (ach gan é a bheith san áireamh), a thabharfaidh Ús iomlán iníoctha €2.50 agus toradh iomlán (Príomh-mhéid agus Ús) €1,002.50. Chun aon amhras a sheachaint, ní thabhoftar aon ús i rith na Tréimhse Ranníocaíochta.

3. Fógra maidir le Dáta Aibíochta

- 3.1 Ar a laghad 10 Lá Gnó roimh an Dáta Aibíochta, déanfaimid teagmháil leat i scríbhinn:
- (a) chun tú a chur ar an eolas maidir leis an Dáta Aibíochta agus an t-íomlán iníoctha leat; agus
 - (b) lena iarradh ort treoracha a thabhairt maidir le hÍocaíocht na suime sin.
- 3.2 Coinneoidimid an t-íomlán iníoctha leat go dtí go bhfaighimid treoracha. Ba cheart duit a thabhairt faoi deara, nach bhfabhróidh aon Ús ná méid eile i ndáil le Tráthchoigilteas sa 15ú Eisiúint ar an Dáta Aibíochta nó ina dhiaidh sin.

4. Cánachas

- 4.1 Níl an tÚs faoi réir Cáin Choinneála ar Ús Taisce, agus tá sé díolmhaithé ó Cháin Ioncaim, Árachas Sóisialach Pá-Choibhneasa agus ón Muirear Sóisialta Uilíoch. Tá Tráthchoigilteas sa 15ú Eisiúint díolmhaithé ó Cháin Ghnóthachan Caipitíúil in Éirinn.
- 4.2 D'fhéadfadh dliteanais chánacha eile bheith agat ag brath ar do chúinsí áirithe. Mholfaimis dá bhrí sin go rachaidh tú i gcomhairle le do Chomhairleoir Cánach.

5. Grúpscéimeanna Coigiltis

- 5.1 Féadfaidh fóstóirí grúpscéimeanna coigiltis a fheidhmiú thar ceann a bhfostaithe, i gcás go n-asbhaintear tráthchodanna ó phá Sealbhóirí agus go bhfuasclaítear iad chuig Gníomhaireacht Bainistíochta an Chisteáin Náisiúnta (nó a Ghníomhairí). Féadfaidh comhaltaí na scéimeanna sin tráthchoigilteas a íoc ar bhonn seachtainiúil, coicísiúil nó míosiúil, ach faoi réir na dtéarmaí agus na dtéarmaí leagan síos i gcoinníoll 1 de seo i gcónaí. Ba cheart Foirmeacha Iarratais comhlánaithe chun méid na tráthchoda míosiúil a athrú a thabhairt don fhóistóir a bhfuil an grúpscéim coigiltis á feidhmiú acu.
- 5.2 I gcás grúpscéimeanna coigiltis, teastaíonn fógra míosa roimh ré chun aistarraingt a dhéanamh i rith na Tréimhse Ranníocaíochta, agus d'aistarraingt i rith na Tréimhse ina dTuilltear Ús tá feidhm ag an nós imeachta a leagtar amach i gcoinníoll 10 (Aibíocht agus Fuascailt Luath) de na Téarmaí agus Coinníollacha Ginearálta.